



Broj: 05-01-I-AE-17979/16
Sarajevo, 14.07.2016. godine

- SVIM UGOVORNIM LJEKARIMA KANTONA SARAJEVO -

- SVIM UGOVORNIM APOTEKAMA -

PREDMET: Nova Odluka o listi lijekova Kantona Sarajevo

Poštovani,

Vlada Kantona Sarajevo je na 35. vanrednoj sjednici održanoj 01.07.2016. godine donijela novu Odluku o pozitivnoj, bolničkoj i magistralnoj listi lijekova Kantona Sarajevo. Navedena odluka je objavljena u "Službenim novinama Kantona Sarajevo" broj 27/16 od 07.07.2016. godine, a prema članu 31. ista stupa na snagu osmog dana od dana objave u "Službenim novinama Kantona Sarajevo", odnosno od petka 15.07.2016. godine.

Prema važećim zakonskim propisima, Ministar zdravstva Kantona Sarajevo imenuje stručnu nezavisnu Komisiju za lijekove koja inovira i sačinjava prijedlog Listi lijekova, a koja se onda putem Ministarstva zdravstva Kantona Sarajevo dostavlja Vladi Kantona Sarajevo na usvajanje.

Obzirom da će stupanjem na snagu nove liste doći do skidanja značajnog broja lijekova koji su bili sastavni dio ranije liste, a imajući u vidu da znatan broj pacijenata ima već ranije propisanu terapiju, Ministarstvo zdravstva Kantona Sarajevo je 14.07.2016. godine dalo odobrenje da se pacijentima omogući realizovanje terapija i za lijekove koji više nisu sastavni dio nove liste (ali samo za one recepte koji su propisani prije 15.07.2016. a nisu još uvijek realizovani). Nakon isteka važenja tih recepata (papirnih ili elektronskih), pacijentima će biti neophodno propisivati isključivo neke od lijekova koji su sastavni dio nove liste. Upozoravamo da Zavod neće prihvatiti plaćanje papirnih recepata koji budu propisani sa korigovanim retroaktivnim datumima ili na kojima bude mijenjan datum propisivanja recepta, a sve eventualne aktivnosti s ciljem zloupotrebe navedenog će biti penalizirane.

Istovremeno, obzirom da na novoj listi ima i dosta novih lijekova, kao i da je kod određenih lijekova došlo do promjene neke od kategorija (promjene učešća, promjene listi, skinuti lijekovi, novi lijekovi, nove smjernice), apoteke će biti u obavezi da dostave dvije fakture u toku mjeseca jula, jednu koja se odnosi na realizovane recepte u periodu 01.07.-14.07.2016. godine, a drugu koja se odnosi na promet po novoj listi lijekova i promet lijekova sa ranije liste za ranije započete eTerapije za period 15.07.-31.07.2016. godine. Cjelokupan proces će biti regulisan putem aplikacija eDoktor i eApoteka.


A handwritten signature in blue ink, appearing to be a stylized 'J' or similar character, located in the bottom right corner of the page.



Također, obavještavamo vas da će stupanjem na snagu nove liste biti automatski primjenjivane i nove smjernice i ograničenja, a odnosiće se i na recepte koji su propisani prije 15.07.2016. godine a koji još uvijek nisu realizovani.

S poštovanjem,

Pripremila:



Anesa Eminović, mr. ph. spec.
Pomoćnik direktora za medicinske
i farmaceutske poslove

Kontrolisao:



Hikmet Arnautović
Pomoćnik direktora za pravne poslove


DIREKTOR

Mr. sci. oec. prim. spec. dr. Samir Turković